

# Д а м ш л т и г о л н д т а р х а х м н

Приютненск района хө өсг-лгьнэ 4-ч совхозодоахн тань-гьчин экономическ конференц болв. Эн конференцд мана Хальмг таньгьчин, гардачнр, цуг райодснн гардачнр, хөбчнр, кесг көдлмшчнр, специалистнр ирцхэв.

Ирсн амтс, түрүлэд совхозин эдл-аху йовдж халацхэв. Совхозин поселкэс хол бишд, хөд орулх бээрн бэргддженэ. Тер бээрн урдан 80 метр, өргидэн 5,5 метр. Энүнд үвлин цагт эрт хургьлх 200-гар хө багтадж болхмн.

Совхозин 4-ч бригадт боодг боогьад, нк ус хурасн баянэ. Им усн баясн учрар совхоз, тер шидртнь тэрэ-темс ургьана, шовуд өсгнэ. Эн уснднь бас загьсн чигн элвг.

Ирсн амтс совхозин хошмудар чигн йовдж халацхэв. Сүүлднь, өвс хаддж йовсн бригадт оч, өвс хадлгьн ягьдж бүрдэгдсннь халацхэв.

Эн халамджин хөбн, ирсн улс, совхозин клубд цуглард, үзсн-медсн тоотиннь тускар күүндвр кев.

Түрүн болдж, хө өсгдг 4-ч совхозин директор Алексей Трофимович Киселев үг авб.

— Мана совхоз өмннь болхла махна мал өсгдг билэ. Ода бидн ноосна төлэ зүтгдж баянэвдн, — гидж эврәннь үгдэн үр Киселев келв.

Хөбнэс нк ноос авхин төлэ ямаран көдлмш кегддж баянхнн тускар совхозин директор ирсн гинчирт келдж өгв.

Совхозин ах зоотехник үр Инжиевский сэн цэалгьвр кев.

Хө асрлгьна тускар тер келв.

— Мана таньгьчд хө өсгдг кесг олн амтс, хөбнд хар гуйрин буудэ өглгьн хаджгьр гидж санна.

Тер санан зөвтэ биш. Бидн

эврәннь совхозин хөбдт хар гуйрин буудэ өгэд дасхввдн, — гидж эн ах зоотехник келв.

— Зүгэр буудэд хө дасххин кергт, түрүлэд бичкнэр өгхмн. Цааранднь хөд бийснь дасна. Дакад болхла, хөбнд силос бас өгх кергтэ. Би танд нег үлгүр келсв. Береговой гидг ах хөбч, хөбндэн силос өг гихлэг, гаран саджад, күүнлэ үг күүндхэр седдж баясн биш. Ода болхла эн ах хөбч, аргьта болхла, хөбнд силос икар өггн гина.

Совхозин ах зоотехникин хөбн, парторганизацин сеглэтр Илья Павлович Лубинецкий үг келв.

— Мана совхозин цуг коммунистр альд болв чигн көдлмшин нүүрт йовад, амтиг ардан дахулна, — гидж тер келв. Совхозин көдлмшин болн тер көдлмшинг күцэгч улсин тускар келснэ хөбн, үр Лубинецкий ингдж келв:

— Мана совхозд хальмг амтс йир икар ирдж баянэ. Эндр өдр теднэ то—105 өркбул. Бидн эн ирсн амтсд бээр өгсн деерэн, тедниг джомба уудгинь медэд, үсэр бас тетгнэвдн.

Хө өсглгьнэ 4-ч совхозд болсн экономическ конференц,

Хальмг таньгьчин түрүн нүүрт йовгч амтсд үлгүр болв.

„Сарпа“ — совхозин директор үр Рубан эврәннь келсн үгдэн ингдж амтнд соньсхв.

— Бидн чигн, хө өсгдг эн совхозла адл, социалистическ дөрлдэнд орлицжанавдн. Зун хөбнэс зун арвн хургь авхар үгэн өгч баянэвдн.

Үр Рубана дару, совхозин краевой управленэ ах зоотехник Петровский үг авб. Мана крайин эдл-аху ягьдж ясрулхин тускар тер келв.

— Шин джилэс авн мана край хургьлх хөбдин—70 процентинь үвлэр эрт хургьллгьнд орулх зөвтэвдн, — гидж үр Петровский келв.

Таньгьчин экономическ конференцд кесг олн улс хоорндан дамшлтан селвлцдж күүндцхэв. Целинн района „Балковск“, — совхозин директор үр Землянский, тер района „Западный“ — совхозин директор үр Белевцев, Сарпинск района 2-ч совхозин директор үр Павленко, совхозмудин краевой управленэ начальник үр Савицкий — эдн үг келцхэв.

Конференцин чилгчэр, мана Хальмг таньгьчин партийн комитетин негдгч сеглэтр үр Жезлов босдж үг келв.